



# **Universitätsbibliothek Paderborn**

## **Cursus Theologico-Moralis**

Ad usum Tyronum elucubratus, Et in Quotidianis Prælectionibus  
Quoad ea, quæ Moralis Theologia disputat De Sacramentis, & Censuris

**Viva, Domenico**

**Patavii, 1723**

Art. VI. De secundario Sacramentorum effectu, qui est Character.

**urn:nbn:de:hbz:466:1-40650**

completur significatio materiæ, & formæ Sacramenti. Et eodem modo solum causantur moraliter auxilia particularia, quæ exigit quodvis Sacramentum relate ad finem, ad quem est institutum: Et solum moraliter causatur a Sacramentis remissio pœnæ; cum talis remissio non sit quid physicum.

Rogabis, quid sit ista potentia obedientialis, per quam Sacraenta physice causant gratiam?

Respondeo esse aptitudinem in creatura, per quam nata est obediens Deo ad producendum scilicet cum Omnipotencia quicquid non implicat contradictionem: Quare non est aliquid distinctum ab ipsa creatura, sed est idem esse creatura, quod quia subiectum Deo est, natum est illi obediens. Disputant tamen Scholastici, Utrum qualibet creatura habeat hanc potestatem obedientialem, an vero sola creatura activa, quæ scilicet potest effectum aliquem naturalem producere, ita ut talis activitas adjuta ab Omnipotencia possit elevari ad effectum supernaturalem. Probabilius censeo, cuilibet creaturæ, etiam si nullam activitatem naturalem habeat, inesse tale inchoamentum virtutis, vi cuius possit cum consortio Omnipotentiae elevari ad producendum quolibet: Sic enim magis consentaneæ de creatura subiecta Deo sentimus; ita ut etiam in hoc Deo subiectiatur, ut possit illi obediens. Quod si creatura careret tali potentia obedientiali congenita, adhuc possent Sacraenta per qualitatem inherenterem elevari ad effectum supernaturalem, ita ut effectus supernaturalis tribueretur Sacramentis, non quidem per accidens, ut calefactio per accidens tribuitur aquæ calidæ, sed per se: Ad eum enim modum, quo corpus beatum per se illuminat, quia exigit lucem, qua illuminet; ita quia Sacraenta sunt actiones factæ.

nomine Christi, ideoque continent meritum, & exigentiam talis qualitatis supernaturalis per se, & non per accidens effectum supernaturalem producerent. Et idem dicas, si omnipotencia non quomodocumque ex parte assisteret, sed speciali modo inexistet in Sacramentis, sicut Deus speciali modo inexistit Christo per unionem hypostaticam, & in Justo per gratiam, adeo ut si non esset immensus, adhuc in iis esse deberet: Sicut enim in Incarnatione Verbum descendit de Cœlis, & peculiari pariter ilapsu Trinitas descendit in animam Justi, juxta illud Christi Domini, *Ad eum veniemus, & mansuitem apud eum faciemus;* ita pariter Spiritus sanctus in Sacramentis specialiter illabitur, & manet, ut notat D. Ambrosius lib. I. de Sacram. cap. 5. dicens: *Non sanat aqua, nisi Spiritus sanctus descendens, & aquam consecraverit:* Et inferius dicit: *Spiritus sanctus manens in Sacramentis latenter operatur.* Sed hac de re fuisi in Scholastica Theologia diximus agendo de Sacramentorum activitate

## ARTICULUS VI.

De Secundario effectu Sacramentorum,  
qui est Character.

- I. Quid sit Character Sacramentalis?
- II. Quam connexionem inter se habeant Characteres Baptismi, Confirmationis, & Ordinis?
- III. Quinque sunt Characteris hujus proprietates.
- IV. Congruum fuit, ut solum a tribus Sacramentis irreiterabilibus Character imprimetur in anima indelebiliter.
- V. Quid in Sacramentis nova legis dicatur esse, Res tantum, Sacramentum tantum, & Res simul, ac Sacramentum?

I. **C**haracter est vox græca significans firmam figuram, aut signum, quo res aliqua ab alia discerneratur; sicut ovis ferro carenti signata distinguitur a non signatis. In hoc sensu Patres accipiunt Charakterem impressum in anima a tribus Sacramentis Baptismi, Confirmationis, & Ordinis: Nam per Charakterem Baptismi Christianus, ac domesticus Christi a non Christiano discernitur; per Charakterem Confirmationis discernitur miles fortis Christi a milite invalido; per Charakterem ordinis discernitur Minister Christi a non Ministro, seu ordinatus a laico.

Quæritur primo, quid sit iste Charakter, seu signum, & nota talis distinctionis?

Respondeo, esse qualitatem quandam specialem impressam, seu infusam a Deo in animam, qua homo redditur aptus ad Sacraenta recipienda, vel administranda, aut ad alia divini cultus opera. Ita communiter ex D. Th. 3. part. quæst. 63. art. 2. Dicitur *Qualitas spiritualis*, & in hoc convenit cum aliis qualitatibus spiritualibus, sive talis qualitas reducatur ad qualitatem, qua dicitur potentia, ut vult D. Thom. quia per Charakterem homo fit aptus ad recipiendum, & ad operandum, &c; sive reducatur ad habitum, & dispositionem sine ordine ad operationem, ut putat Suar.: Sicut enim pulchritudo, & sanitas est bona dispositio corporis, ita putant, quod Charakter sit veluti pulchritudo, & bona dispositio animæ, quæ habet rationem habitus, quia est difficile mobilis. Dicitur *impressa in anima*, ut denotetur, quod Angeli, qui Sacraenta non recipiunt, nullum habeant Charakterem, & anima etiam separata characterem retinet. Christus Dominus characterem non habet; tum quia Sacraenta præter Eucharistiam non recepit; tum

etiam quia character est signum servorum, Militum, ac Ministrorum; Christus autem dominus est, Pastor, Dux, & Dominus. At Beata Virgo, quia Sacramentum Baptismi, & Confirmationis recepit, utrumque habet characterem. Dicitur demum, *qua homo redditur aptus &c.*, ut ostendatur munus, & finis characteris; nam character Baptismi disponit hominem ad reliqua Sacraenta recipienda; & ideo dicitur janua Sacramentorum: Character Confirmationis disponit magis ad reliqua Sacraenta suscipienda, necnon ad elicendos actus fidei: Character Ordinis disponit ad exercenda munera & opera cuiusque Ordinis propria. Hinc D. Th. loc. cit. characterem baptismalem vocat potentiam passivam, quia datur ad recipiendum; alios vocat potentias activas, quia præcipue dantur ad operandum.

II. Notandum præterea, Characteres istos habere inter se quandam connexionem: Nam Characteres Confirmationis, & Ordinis necessario supponunt characterem baptismalem; & ideo si Confirmatio, aut Ordo conferantur non baptizato, invalide conferuntur: Charakter tamen Ordinis non habet necessariam connexionem cum charactere Confirmationis; unde non confirmatus valide ordinatur. Imo Henriq. lib. 10. cap. 17. putat, quod citra culpam mortalem hic ordinaretur. Demum characteres Ordinum nec habent inter se necessariam connexionem; unde ordinatio facta per saltum valida est, si scilicet quis ordinetur Sacerdos, prætermisso ordine Diaconatus.

III. Ex dictis infertur, quinque esse proprietates characteris. Nam primo character consecrat animam Deo, tamquam templum quoddam: quare sicut in templo facilius exauditur oratio, excitatur devotio, dæmones arcen-

arcentur; ita in anima habente characterem. Secundo per illum transit homo in Jus Dei speciale; unde Apost. primæ ad Corinth. 6. ait: *Non estis vestri*, &c. Tertio per characterem assimilamur Christo, sumus ejus membra, & distinguimur ab aliis; Quarto est signum indelebile, cum recipiatur in anima incorruptibili, quæ nullum habet contrarium; unde in æternum durabit, etiam in damnatis: Congruum autem fuit, quod per peccatum character non deperdatur, quia aliter deberet homo post peccatum iterum baptizari, ordinari &c.. Demum per characterem disponimur ad alia Sacra menta vel recipienda, vel administranda, &c.

Dices; In Patria habitus fidei, & spei supernaturalis desinunt, manente sola charitate, juxta illud Apost. *Charitas numquam excidit*: idque, quia fides, & spes in Patria non deferviunt, cum tales actus non exerceantur: ergo paritor desinere debet character, cum cesset ejus finis.

Respondetur, omisso antecedente, nego consequentiam: quamvis enim post mortem non remaneat potestas suscipiendi, aut conferendi Sacra menta; non proinde cessat finis characteris, qui est obsignare animam tamquam scriptam ad Christi familiam, militiam, aut ministerium, in decus, & ornamentum Beatorum, & in decus, & confusionem damnatorum.

IV. Quæritur secundo; quænam Sacra menta imprimant characterem?

Respondeo, neque Sacra menta legis naturæ, neque Sacra menta legis scriptæ impressisse characterem ullum. Ita fere omnes Theologi. Scotus putavit, Circumcisionem impressisse characterem. Sed communiter rejicitur, quia nec auctoritas, nec ratio firma stant pro hac sententia. Sacra menta vero legis novæ solum tria enumerata Baptismi, Confirmationis, & Or-

dinis imprimunt characterem, & ideo sunt simpliciter irreiterabilia, ex Trid. sess. 7. cap. 9. cum non debeant iterum imprimere, quod semel impressum est indelebiliter. Congruitas hujus institutionis fuit, quia per ista Sacra menta homines deputantur ad aliquem gradum, & officium particula re; moris quippe est, ut qui officia habent particularia, præsertim publica, habeant etiam peculiaria signa, quibus discernantur: Homo autem per Baptismum fit Christi domesticus, & de ejus familia; unde ab aliis per signum stabile discerni debuit: Per Confirmationem qui erat domesticus Christi, fit ejus miles, unde pariter a non militibus debuit discerni: Per Ordinem fit Minister Christi, qui est gradus peculiaris: unde pariter debuit habere suum distinctivum. Reliqua vero Sacra menta, quia non conferunt speciale gradum aut officium, non exigebant speciale discriminati vum, ut notat Scotus in 4. dist. 6. quest. 10.; Nam quod domesticus pos sit comedere, & bibere, quod pos sit recuperare gratiam sui domini, & in extremo agone specialiter muniri, quod possit generare, &c. non sunt officia particularia, quæ requirant speciale designationem.

V. Missis aliis, quæ de Charactere Sacramentali discutiuntur in Scholastica Theologia, illud hic notandum ex communi Doctorum; tria esse in Sacra mentis novæ legis: videlicet datur in iis Res tantum, Sacra mentum tantum, & Res simul, & Sacra mentum. Dicitur *Sacra mentum tantum* id, quod significat, & non significatur; & hujusmodi est in omnibus Sacra mentis materia & forma. Dicitur *Res Sacra menti tantum*, quæ significatur, & non significat; & hoc est Gratia. Dicitur demum *Res simul*, & *Sacra mentum*, quod significat, & significatur; & hujusmodi est character in

in Sacramentis ; a quibus imprimetur ; quia simul ab iis significatur , & simul significat potentiam explicitam suscipiendi & ministrandi Sacra menta . In Eucharistia Corpus Christi dicitur esse Res simul , & Sacramentum ; Sic etiam in Extrema unctione dicitur Res simul , & Sacramentum Sanitas corporalis , quia significat sanitatem spiritualem , & significatur a materia , & forma talis Sacramenti . In Matrimonio vero vinculum Conjugum habet rationem rei simul , & Sacramenti : Et in Sacramento Pænitentiae contritio , ut docent communius ; quatenus enim per Confessionem significatur , est res , & quatenus per Confessionem significat reconciliationem cum Deo , & peccatorum remissionem , est Sacramentum . Ubi tamen duo advertenda . Primum est , nomine Sacramenti hic non venire signum practicum gratiæ , nec partem constitutivam Sacramenti , sed solum venire signum pertinens ad Sacramentum ; Character enim neque est signum practicum gratiæ , neque Sacramentum constituit : Alterum est , quod non sit necesse invenire in omnibus Sacramentis id , quod sit res simul , & sacramentum , quamvis Doctores conentur illud adinvenire .

### ARTICULUS VII.

#### De Suscipiente Sacramentum :

- I. Nonnisi Viatores sunt capaces Sacramentorum .
- II. Fetus animatus probabiliter est capax Baptismi , quamvis nondum sit egressus ex utero Matris , si possit aliqualiter ablui .
- III. Quanam intentio requiratur in suscipiendo Sacramentis ?
- IV. Intentio coæcta sufficit , non tamen relate ad Matrimonium .
- V. Quandonam requiritur intentio ex-

pressa , & formalis ad sacramenta recipienda ?

VI. An possit Extrema Unctio sub conditione conferri iis , qui videntur in statu peccati mortalis decidere ?

VII. Nec intentio suscipiendi Sacramenta , (Matrimonio excepto) sub conditione de futuro , nec intentio indirecta , nisi sit cum intentione habituali , sufficiunt ad valide ea suscipienda .

VIII. Ad valide Sacramenta suscipienda (Pænitentia excepta) nulla requiriunt dispositio in suscipiente præter intentionem consonam .

IX. Ad fructum vero Sacramenti recipiendum requiriunt sua animi dispositio .

X. Quandonam liceat a Ministris indigenis Sacramenta suscipere ?

I. Q Uæritur primo , quinam sit capax suscipiendi Sacramenta ?

Respondeo solos homines viatores esse capaces . Ratio est , quia instituta ea sunt solum in salutem , & remedium hominum , ideoque sunt signa sensibilia ; Proinde Angeli sunt corundem incapaces ; tum quia sunt spirituales ; tum etiam , quia peccatum eorum est irreparabile , cum non habeant liberum arbitrium flexibile , ut notat D. Th. part. I. quæst. 65. Ubi autem Psalm. 77. dicitur , Panem Angelorum manducavit homo , fit sensus , quod Angeli spiritualiter panem manduent , non quia suscipiant Sacramentum Eucharistie , sed quia Christo uniuntur , & fruuntur in eterna beatitudine . Nec Beati sunt Sacramentorum capaces , cum non possint in gratia crescere . Animalia irrationalia possunt Eucharistiam comedere , non tamen dicuntur Sacramentum suscipere , quia non recipiunt Eucharistiam spiritualiter , & sacramentaliter , sed solum materialiter . Imo

et;